

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
n/r predsjedavajući, Admil Mulalić

Poštovani,

Na osnovu člana 101. Poslovnika o radu Općinskog vijeća Velika Kladuša na usvajanje upućujem amandmane na Prijedlog budžeta Općine Velika Kladuša za 2021. godinu.

AMANDMAN 1.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 821321 – „Motorna vozila- nabavka vatrogasnog vozila“ uvećavaju se za iznos od 180.000,00 KM.

Predlažem da se u članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614411-004 umanje za iznos od 180.000,00 KM.

OBRAZLOŽENJE:

Vatrogasna jedinica Općine Velika Kladuša ima ogromne probleme sa nedostatkom ispravnih motornih vozila, te se intervencije vrše u otežanim uvjetima i sa zakašnjenjem. Neophodna je hitna nabavka novog vatrogasnog vozila, čija se cijena kreće u rasponu 200-250 hiljada KM.

AMANDMAN 2.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 821600 „Rekonstrukcija i investiciono ulaganje“, uz ekonomski kod 821612 uvodi se dodatni ekonomski kod „821612-001 Rekonstrukcija ulice 23. februar i pristupnog puta prema gradskom groblju i mezarju Drmaljevo“ u iznosu od 100.000,00 KM.

Predlažem da se u članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614411-004 umanje za iznos od 100.000,00 KM.

OBRAZLOŽENJE:

Građani ulice 23. februar su pokrenuli inicijativu za rekonstrukciju dijela ove ulice i pristupnog puta ka gradskom groblju i mezarju Drmaljevo. U akciju prikupljanja sredstava će se uključiti i drugi građani Velike Kladuše jer se radi o gradskom mezarju. Važno je napomenuti da se u programu ZKP za samo održavanje ovog puta izdvaja 6 000 KM godišnje. Zbog konfiguracije terena postojećeg puta je teško održavati isti, te je stoga neophodno izvršiti asfaltiranje istog čime bi svi građani MZ Velika Kladaša dobili bolji pristupni put gradskom groblju i mezarju.

AMANDMAN 3.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614411-001 JP „Veterinarska stanica“ doo V. Kladaša (sufinansiranje projekta kastracije pasa lotalica) uvećavaju se za iznos od 50.000,00 KM..

Predlažem da se u članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614411-004 umanje za iznos od 50.000,00 KM.

OBRAZLOŽENJE:

Problem pasa lotalica na području Velike Kladuše moguće je riješiti samo kontinuiranim i masovnim programom registracije, obilježavanja, kastracije i sterilizacije pasa. Trenutna izdvajanja su nedovoljna za masovnije programe. Povećanjem ovog koda na 75.000 KM, Veterinarska stanica bi bila u mogućnosti da izvrši između 500 i 750 kastracija ili sterilizacija godišnje.

AMANDMAN 4.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614516 Subvencija za veterinarstvo, privatna veterinarska stanica uvećavaju se za 50.000 KM u svrhu sufinansiranja projekta registracije, obilježavanja, kastracije i sterilizacije pasa.

Predlažem da se u članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614411-004 umanje za iznos od 50.000,00 KM.

OBRAZLOŽENJE:

Čitav projekt smanjenja populacije pasa lotalica, ukoliko se žele postići rezultati, je preobiman za jednu veterinarsku stanicu, pa je zbog toga neophodno da se dio tereta prebaci i na privatnu veterinarsku stanicu.

AMANDMAN 5.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614817 - Izvršenje sudskih presuda i rješenja o izvršenju uvećavaju se za 280.000,00 KM.

Predlažem da se u članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614411-004 umanje za iznos od 280.000,00 KM.

OBRAZLOŽENJE:

Prema dostupnim informacijama, potraživanja tužitelja prema Općini Velika Kladuša po osnovu sudskih presuda i rješenja o izvršenju iznose oko 750.000 KM (sa kamatama). Ova potraživanja godišnje rastu samo po osnovu kamata za oko 50.000 KM, te se sadašnjim tempom isplata potraživanja ne umanjuju u značajnoj mjeri. Povećanjem izdvajanja za ovu svrhu na ukupno 350.000 KM bi se u ovoj godini potraživanja po ovom osnovu smanjila za gotovo 50 posto, te bi se umanjila šteta koja se nanosi budžetu zbog uvećavanja potraživanja po osnovu zateznih kamata.

AMANDMAN 6.

U Članu 3. Prijedloga, razdjel 10, glava 101, funkcija 0111, planirana finansijska sredstva za Ekonomski kod 614311-007 „Grant za Sportski savez“ uvećavaju se za iznos od 80.000,00 KM.

Predlažem da se u članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614411-004 umanje za iznos od 80.000,00 KM.

OBRAZLOŽENJE:

Ove godine je nacrtom budžeta predviđeno povećanje Granta za sportski savez sa 100.000 na 150.000 KM. Međutim, isto tako je predviđeno ukidanje grantova za NK Krajišnik, NK Mladost i KK Krajišnik, koji su u zbiru prošle godine iznosili 102.000 KM, što znači da će isti broj sportskih kolektiva dijeliti za 48.000 KM manje sredstava i to u godini koja je jako neizvjesna i teška za sportske klubove zbog zabrane prisustva publike na svim takmičenjima. Ovo su razlozi zbog kojih smatramo da je neophodno povećanje granta za Sportski savez na najmanje 230.000 KM uz donošenje novog pravilnika o raspodjeli sredstava u čijoj izradi će biti uključeni sve članice saveza.

AMANDMAN 7.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614311-006 Grant za školama sa područja općine Velika Kladuša uvećavaju se za 100.000,00 KM.

Predlažem da se u članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614411-004 umanje za iznos od 100.000,00 KM.

OBRAZLOŽENJE:

Iako školstvo nije u eksplicitnoj nadležnosti lokalnog nivoa vlasti, naša djeca itekako jesu naša briga. Kao lokalna zajednica ne možemo direktno mijenjati obrazovni sistem, ali svakako možemo poboljšati uslove rada i za učenike i za nastavnike u našim školama. Direktna izdvajanja općine za škole moraju biti značajnija nego do sada, a nikako se ukidati, te ih je potrebno dodjeljivati korisnicima (školama) kroz projektno finansiranje. Dodatni razlozi za povećanje ovog granta su trenutna situacija sa pandemijom koronavirusa, koja je pred škole postavila značajne finansijske i organizacione izazove.

AMANDMAN 8.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614311-013 grant za NK Mladost uvećavaju se za 20.000 KM.

Predlažem da se u članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614411-004 umanje za iznos od 20.000,00 KM.

OBRAZLOŽENJE:

NK Mladost iz Vrnograča ove godine slavi 50. godišnjicu osnivanja, te je u svrhu obilježavanja ovog jubileja planirano i izdavanje monografije o prvih 50 godina kluba. Za izradu monografije i obilježavanje jubileja potrebna su sredstva od oko 20.000 KM. Kako uslijed epidemiološke situacije klub ne može računati na održavanje masovnih donatorskih događaja, mišljenja smo da bi Općina trebala sufinansirati obilježavanje jubileja jednog od najstarijih sportskih kolektiva na području Velike Kladuše.

AMANDMAN 9.

U Članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614311-025 grant za Udruženje „I mi postojimo“ Velika Kladuša uvećavaju se za 10.000 KM.

Predlažem da se u članu 3. Prijedloga, razdjel 10, glava 101, funkcija 0111, planirana finansijska sredstva za ekonomski kod 614411-004 umanje za iznos od 10.000,00 KM.

OBRAZLOŽENJE:

Zbog nerazvijenosti sistema zaštite i inkluzije djece i osoba s posebnim potrebama na državnom nivou, organizacije civilnog društva koje se bave ovom problematikom su često najvažniji oslonac za ovu kategoriju stanovništva. Takav je slučaj i u Velikoj Kladuši gdje nevladina udruženja pokušavaju popuniti propuste zdravstvenog i obrazovnog sistema. To je slučaj i sa Udruženjem „I mi postojimo“ koje zbog svog značaja ne bi smjelo ovisiti samo o projektnom finansiranju i donacijama građana, već treba imati zagarantovan minimum godišnjih sredstava koja omogućuju osnovno funkcionisanje udruženja.

Predlagač: Amir Purić

Velika Kladuša: 29.03.2021. godine.